

六部則例



工部則例

都水清吏司

河工四

一考成保固。順治初年定。黃運兩河隄岸。修築不堅。一年內衝決者。管河同知通判州縣等官。降三級調用。分司道員。降一級調用。總河。降一級留任。如異常水災衝決者。專修督修官。皆住俸修築。完日開復。本汛隄岸衝決。隱匿不報。別指他處申報者。加倍議處。如一年外衝決者。管河等官革職。戴罪修築。分司道員。住俸督修。完



日開復。本汛隄岸衝決。隱匿不報。別指他處申報者。管河等官。降二級調用。分司道員。降一級調用。總河不行詳確具題。罰俸一年。如地方衝決少而申報多者。降三級調用。轉詳官。降二級調用。總河不察實具題。降一級留任。無論一年二年。遇有衝決地方。限十日申報。逾限者。降二級調用。其沿河隄岸。不能先期修築。以致漕船阻滯者。經管官。降一級調用。該管官。罰俸一年。總河。罰俸六月。○十六年議準。河工各官。遇有升遷降調事故。將任內修防事宜。造冊交代。離

任後有隄岸衝決者。該管官叅處。○十七年題準。修築隄岸工完。令承修官出具伏秋無虞印結。同冊奏銷。如本年衝決者。即指名叅處。○康熙元年題準。黃河隄岸。衝決在一年內者。叅處修築之官。在一年外者。叅處防守之官。運河隄岸。衝決在三年內者。叅處修築之官。在三年外者。叅處防守之官。如黃河工未至一年。運河工未至三年。修築官於保固限內去任。防守官不為料理。致被衝決者。將防守官一并叅處。○九年題準。河工衝決地方。承辦樁柳等物遲緩。或

稱非係本汛。推諉誤工者。均降一級調用。不行轉催之上司。罰俸一年。○十五年議準。河道關係甚大。隄岸往往衝決。皆由修築不堅。防守怠玩所致。宜嚴定處分之例。嗣後不得諉之水災具題。黃河隄岸。仍定限一年。運河隄岸。仍定限三年。黃河隄岸半年內。運河隄岸一年內。衝決者。經修防守等官。皆革職。分司道員。降四級調用。總河。降三級留任。黃河隄岸過半年。運河隄岸過一年。衝決者。經修防守等官。降三級調用。分司道員。降二級調用。總河。降一級留任。如已

過年限衝決者。管河各官。皆革職。戴罪修築。分司道員。住俸督修。工完開復。總河。罰俸一年。若年限內衝決。經修之官已去。仍將經修官與防守官一體處分。其年限內本汛隄岸衝決。別指他處申報者。經修防守等官。皆革職。分司道員。降五級調用。總河不察實具題。降三級調用。其餘仍照舊例。○十七年議準。知府有地方之責。嗣後如遇衝決等事。照道員一體處分。承修兩河隄岸一應工程。均限半年完工。半年不完。承修官。罰俸一年。督修道府。罰俸半年。再展限三

月完工。如仍不完。承修官降一級調用。督修道
府。罰俸一年。如承修官原係草職戴罪之人。半
年限內不完。降一級調用。不準展限。工程別委
他官。仍限三月完工。不完。罰俸一年。督修道府
所屬官員工程。一年內不完。降一級調用。限內
不完。總河不行題叅。罰俸三月。若實係大工。不
能依限完竣。令總河預為題明。其監理廳印分
管佐雜等官。所築隄工合式堅固。該管廳印河
官出具甘結。道府驗實加結。申送總河。勘實具
題。準照應升之官加二級。即升。原非正途者。均

作正途。一體升遷。至於分管官所築隄工。有一
處不堅固。或一二丈不豐滿合式者。降一級調
用。兩處不堅固。或三四丈不豐滿合式者。降二
級調用。三處不堅固。並五丈以上不豐滿合式
者。草職。監理官。所轄分管官有一人議處者。監
理官罰俸一年。二人議處者。降一級調用。三人
議處者。降二級調用。四人以上議處者。草職。係
監理官揭叅者。免坐。如議處議叙相同者。準與
抵算。若興舉大工。附近地方官。不協同設法募
夫。不將急需柳草等項速買解運。致誤河工者。

題參將州縣官降三級調用。道府降一級調用。凡舉劾大計。將河工一并考成。河道果無衝決。或旋決旋修。不致殃民損課者。方準薦舉。○又議準各省河工。隄岸有無衝決。該督撫於年底造冊報部。○三十三年

諭。嗣後隄岸衝決。倘係河水漫決。河流不移者。應否免其草職。止令賠修。著確議定例具奏。欽此。遵

旨議定。嗣後隄岸衝決。河流遷徙者。照定例處分。若隄岸漫決。河流不移者。免其草職。責令賠修。年限內漫決者。經修官賠修。年限外漫決者。防守官

賠修。○又覆準。嗣後一應工完。年底報部之日。將各部院堂官。暨科道官職名。開列具題。簡命察勘。俟驗明所修丈尺。用過埽料等物。與原估題疏相符。準其開銷。如有不符。巧飾謊報等情。交部嚴加議處。○三十四年奉

旨。察勘無益。嗣後差遣察勘。永行停止。○三十九年諭。河工積弊。汎官利於隄岸有事。修建大功。得以侵冒河帑。又希圖修橋建牆。興無益功程。於中取利。著嚴飭各官。痛改前非。加謹修防。倘有故違。定行正法。以示懲戒。其地方有司官。漠視河工。致有遺誤者。題參

到日。將地方官亦行正法。河官平時。須預備物料。以
為不時修防之需。欽此。○又議準。嗣後侵帑誤工。如
分管微員。照例懲處。其見任河官。暨在工効力
旗員。即行題叅革職。○又議準。嗣後呈報險工。
該道親行察勘確實。即令動帑搶修。一面估計。
申報總河察覈。如係假捏。即以謊報題叅。該道
狗隱。一并叅處。○又覆準。嗣後隄岸衝決。河流
不移者。管河各官。皆革職戴罪。勒限半年賠修。
分司道員。各降四級督賠。工完開復。如限內不
完。承修官革職。分司道員降四級調用。總河降

一級留任。未完工程。仍令賠修。其應賠工程。已
經奏明動帑者。仍將應賠銀。亦照賠修例。勒限
處分。如限內不完。分司道員不行揭報。總河不
行題叅者。均照狗庇例議處。○又議準。凡黃河
曲處。堰濬引河。果係深寬。偶至淤墊者。該督親
勘保題。免其賠修。○四十二年

詔。河工官員。領正項錢糧。修築隄岸。被水衝決。應賠還
者。照例追賠。其自捐銀修隄。完工之後。被水衝決。或
因地勢難築。竣工無期。若仍責令賠修。甚屬可憫。著
總河察明具題。免其賠補。○四十六年覆準。河南隄

工。係巡撫就近料理。如遇水長。即嚴飭管河等官。率領堡夫搶護。如怠玩貽誤。將該地方官照黃河定例議處。仍察明年限。著落賠修。○四十九年議準。嗣後修防工程。河道按工發帑。廳官領銀承辦。其微末官弁。及効力人員。止令防守催趲。押運物料。不得輕給帑金。如果才優家裕。該廳申詳該道。轉報該督。方準給發。如濫委匪人。致虧帑誤工者。本人革去職銜。限一年追完復職。逾限不完。出結廳官革職。戴罪勒限一年賠完。完日開復。該道降四級。亦勒限賠完。完日

開復。限內不完。即依所降之級調用。該督降一級。與該道一體分賠。完日開復。不完。每案罰俸一年。仍著督道廳分賠還項。○五十二年覆準。嗣後修築工程。該廳呈報到日。該督與道員。即行親勘工程。驗明物料。具題修築。工完察勘報銷。如修築不堅。短少物料。將承修之官題叅。從重治罪。如該道不揭報。該督不題叅者。均照狗庇例議處。○雍正二年議準。一應工程。嚴飭承修官據實估報。如估報時。仍留覈減餘地者。該督撫題叅。嚴加議處。○又議準。嗣後給發錢糧

交與諳練河務之人修築。如修築不堅。致有衝
決者。委員督令賠修。不能賠修者。題叅革職。別
委賢員。給發錢糧修築。將所用錢糧。勒限一年
賠完。準其開復。逾限不完。交刑部治罪。仍著落
家屬賠完。如力不能完。著落發錢糧之上司賠
補全完。○四年

諭。賠修之例。甚屬無益。從來河官領帑修工。必預留賠
修地步。以致錢糧不歸實用。工程斷難堅固。即幸而
得保無虞。而錢糧終歸入已。似此情弊。相習成風。必
照侵欺錢糧例。嚴加治罪。方足示懲。著九卿詳議具

奏。欽此。遵

旨議定。嗣後承修之官。估計工程。總河暨該督撫分司。
勘明工段丈尺。樁埽料物。如果與所估數目相
符。覈實具題。發帑興修。如估計過多。有心浮冒。
察出。即照溺職例革職。察勘之官。不實心詳覈。
扶同徇隱。即照徇庇例議處。至工完之日。該總
河督撫分司。再逐一察勘。修過工程。果否如式
堅固。與原估丈尺錢糧數目相符。如工程單薄。
物料尅減。錢糧不歸實用。以致修築不堅。不能
保固。將承修官指名題叅。照侵欺錢糧例。分別

治罪。其侵欺銀。著落該員家產勒限追賠。所修工程。令總河督撫等。別委賢員。動帑修築堅固。工完題銷。○又議準。直隸子牙河南運河新修工程。均照運河例保固三年。北運河工程。較永定河稍平易。較南運河則為險要。立限保固二年。限內衝決。照例賠修。○五年

諭。向聞河工不肖之員。有將完固隄工。故行毀壞。希圖興修。借端侵蝕錢糧者。著該督時加察訪。再有此等不法之員。著即奏聞。於工程處正法示衆。欽此。○又諭。直隸河工衝決之處。著落河官與地方官賠修。再敢

惰玩。一并革職。枷示工所。欽此。○又

諭。河工追賠之項。其中情由不一。有該員侵蝕入己者。有修築草率。本不堅固。易致衝決。應當賠修者。有當潰決之時。該員預知例當賠修。而以少報多。先留地步者。甚至有故意毀壞工程。以便興修開銷者。種種弊端。不可枚舉。皆法所難寬。但亦有經手之人。本無情弊。而照例則應分賠者。在該員情稍可原。而承追之時。無力全完。亦於國帑無益。其如何酌量分別定例。方為妥協之處。著九卿詳議具奏。欽此。遵旨議準。嗣後黃河一年之內。運河三年之內。隄工陡遇

衝決所修工程原係堅固於工完之日已經總
河督撫保題者承修官止賠修四分其餘六分
準其開銷如該員修築錢糧均歸實用工程已
完未及題報而陡遇衝決者該總河督撫據實
保題亦令賠修四分其餘均準開銷如黃河一
年之外運河三年之外隄工陡遇衝決該管各
官實係防守謹慎者該總河督撫察明具題止
令防守該管各官共賠四分內河道知府共賠
二分同知通判州縣守備共賠分半縣丞主簿
千總把總共賠半分其餘六分準其開銷其承

修防守各官皆草職留任戴罪効力工完之日
準其開復倘總河督撫保題不實照狗庇例議
處仍照定例勒限分賠還項○又議準永定河
新修工程照黃河例保固一年○又議準嗣後
沿河州縣遇有被淹之處令地方官會同河官
親勘被淹情由據實通報如有隱匿民災者照
報災怠玩例議處察報不實者照溺職例議處
○八年議準嗣後不請開放之牆審度形勢果
係不應開放雖限內未開亦應準其保固年限
以免承修人員守候之苦如本應開放之牆承

修官因修築不堅。故意不請開放。希圖掩飾。雖已過三年。仍應以開放之日。起限保固。并將故意遲延之承修官。暨不行察報之該管官。一并參處。○十年

諭。河中石塊木樁。抵觸糧艘。著河臣嚴飭河道等官。於水落時。沿途察看。悉行起除。以清河路。倘辦理疎忽。仍有起除不淨等弊。著巡漕御史參奏。將該管河道等官。從重議處。欽此。○十一年覆準。永定河貼砌片石等工。仍保固一年。別項加修新工。保固三年。漳河滹沱河並太行隄工。照黃河例保固一年。

其餘平易工程。照運河例保固三年。○十二年議準。黃河堡夫挑積土方不及數者。專汛文官。罰俸一年。該管廳官。罰俸六月。挑積不及半者。專汛文官。降職一級留任。趲挑該管廳官。罰俸一年。兵丁挑積土方不及數。並不及半者。專管汛弁暨該管將備議處亦如之。○乾隆十年

諭。從前石林口衝決。用過修築工料銀二十三萬九千一百餘兩。部議著落河官賠補。原以該處舊有土壩。致被衝決。應照疎防之例賠修。第聞石林土壩。係河臣率民修築之工。並未動用錢糧。與永定

河官隄踈防衝決者有間。且七年黃水異漲。亦非尋常可比。動項既多。該管各官。勢必艱於賠償。著加恩免其追賠。嗣後凡有隄防處所。務須先事綢繆。毋得再蹈前轍。若稍有踈虞。決不寬貸。欽此。○十五年議準。嗣後開濬河道。以領帑日為始。限十日興工。須岸水築隄者。準於限外的展半月。計土千方。限半月竣工。數多者準此加展。修建橋牆隄壩等工。均限兩月興工。工料數百兩及千兩者。以興工日為始。限三月。三四千兩者。限四月。各竣工。其工料自五千兩至萬兩以上者。

如平易工程。亦限四月竣工。果工程險要。不能依限告竣者。準於估報冊內預行聲明。酌展限期。違者均交部議處。

一葦柳勸懲。順治十三年定。瀕河州縣。新舊隄岸。皆種榆柳。嚴禁放牧。各官栽柳自萬株至三萬株以上者。分別叙錄。不及三千株。並不栽種者。分別叅處。○康熙九年奏準。於沿河州縣。擇閒散人。授以委官名色。專管栽柳。三年。分別勸懲。○十五年議準。河官種柳不及數者。免其處分。成活萬株以上者。紀錄一次。二萬株以上者。

紀錄二次。三萬株以上者。紀錄三次。四萬株以上者。加一級。多者照數議叙。分司道員。各計所屬官員內。有一半議叙者。紀錄一次。全議叙者。加一級。均令今年終題報。○二十年定。武職栽柳。照文官例議叙。○二十二年定。河官栽柳。成活二萬株以上者。紀錄一次。四萬株以上者。紀錄二次。六萬株以上者。紀錄三次。八萬株以上者。加一級。多者照數議叙。其分司道員。因屬員栽柳議叙之例。停止。○三十一年議準。河道隄面寬二丈者。留八尺為行路。其一丈二尺。密栽細

草。遇有坦坡。均栽卧柳。○四十四年

諭。高家堰石工完者。準先予銷算。隄根之下廢地。可諭

河員。試令種稻。其餘除留取土搶修之地外。令捐栽

蘆荻。以資工料。照例議叙。欽此。○四十九年覆準。令

河南各州縣。於官地內。責令堡夫廣栽柳樹。○

六十年覆準。河隄種植柳樹。倘有將柳園地畝。

墾熟耕種。私收籽粒。以致草漸稀少。動用錢糧。

購買蘆葦者。將失察之地方官。嚴叅議處。○雍

正元年議準。每年河南山東巡撫。飭令近河州

縣暨管河各官。將沿河空地。勘明。各捐資多栽

柳樹各以種柳細數報明上司。三年後該督撫
察覈報部酌量議叙。如希圖議叙強占民地累
民者即行叅究。至河南舊植柳樹年久枯壞者
應行勘明一并補種。○三年議準嗣後管河之
分司道員同知通判州縣等官於各該管沿河
地方栽柳成活五千株者紀錄一次。萬株者紀
錄二次。萬五千株者紀錄三次。二萬株者準加
一級。種葦一頃紀錄一次。二頃紀錄二次。三頃
紀錄三次。四頃準加一級。其有殷實之民栽柳
二萬株或種葦四頃者準與九品頂帶榮身。至

効力各官有情願捐栽柳葦者亦照此例議叙。
倘有不肖河官希圖議叙占種民地者題叅從
重治罪再各處河營每兵一名每年種柳百株
若不能如數栽植者將專汛之千把總罰俸一
年。守備罰俸半年。倘栽植不及一半者專汛之
千把總降一級暫留原任。戴罪補栽。守備罰俸
一年。○五年覆準行令河南沿河州縣等官檢
稽地冊會同廳汛將見存柳園並從前坍塌及
新淤地畝逐一詳勘文明立界如有隱占撥補
還額廣為栽種。○乾隆三年奏準嗣後山東河

南印河文武官弁。於沿河官地內。有能捐資栽成小楊五百株者。紀錄一次。千株者。紀錄二次。千五百株者。紀錄三次。二千株者。加一級。其沿河居民。有情願出資。在官地栽成二千株。或在自己地內栽成千株者。給以九品頂帶榮身。每年春間栽種。次年秋間。覈驗栽成數目。題明議叙。揚樹交汛官收管。如栽成不及議叙之數。準其次年補栽并算。○五年議準。嗣後沿河州縣地方官。有能勸民在沿河坑窪沮洳。不宜禾稼地內。種葦二百頃以上者。紀錄一次。四百頃以上者。紀錄三次。六百頃以上者。加一級。八百頃以上者。加一級。紀錄一次。數多者。照數遞加議叙。○又議準。抑勒栽葦。或所栽葦地以少報多者。照官員勒民開墾地畝以少報多例。州縣官均降一級調用。○又議準。嗣後州縣官所屬境內。有可栽葦草之地。勸諭不力。計十分之地。栽植不及三分者。該督撫指叅。罰俸六月。不及二分者。罰俸一年。不及一分者。罰俸二年。二年內栽植仍不及分數者。降一級住俸。至三年內仍有不行栽植者。降二級留任。○又議準。葦柳乃

工部則例

河工必需之料。令將柳樹數目。葦蘆地畝。一併造入交盤冊內。再豫東二省。全用楊椿。各汛報栽成活楊樹。交與該管廳官。不時稽察。造入交盤。如有短少。詳叅著落補栽。成活足數者。開復。○九年定。葦營額柴。按年清完。依限運交。如未完一分者。該汛千把總罰俸一年。守備罰俸六月。叅將罰俸三月。未完二分者。千把總降職一年。叅將罰俸六月。未完三分以上者。千把總革職。守備降職一年。叅將罰俸一年。均限一年。照級留任。戴罪督完。叅將罰俸一年。均限一年。照

數督催。全完開復。如逾限不完。照所欠分數。千把總分賠六分。守備三分。叅將一分。賠完之後。亦準開復。若每年餘葦至十萬束以上者。準其紀錄一次。再有盈餘。照數遞加紀錄。○又覆準江南黃河兩岸柳園。丈出官地。官民情願捐栽柳樹。培養成活者。驗明確數。一併造報議叙。一禁令。順治二年定。旗下軍船。不許零星過牆。非時啟閉。致妨漕運。○五年覆準。安山南旺兩湖。地經升科者。聽民佃種。其餘湖地。不許開墾。妨漕。永為令。○又覆準。衛河渠口。每年四月以

後。盡行堵塞。不許偷放。○七年覆準。運河行舟。雖係進貢。及裝載官兵。亦不得擅自開牘。○九年覆準。沛縣湖田。禁民墾種。令蓄水濟漕。○十三年覆準。南旺臨清大濟。暨各處河官。堰濬本境淤淺。築壩未開之先。預頒告示。禁止一切官船。不許先期逼勒開壩。貽誤工程。○又覆準。令河臣申明各牘。啟閉禁令。先放糧船。次放官船。又次放商民船。如有啟閉不時。洩水誤漕者。指名題叅。○康熙二年覆準。凡奉差及赴任各官。定有限期者。令糧船讓路。○又定。差船到牘。隨

漕啟閉。有攙越漕運者。照例叅處。○四年。河臣請嚴牘河啟閉。奉

旨。有奉緊要勅旨差遣者。著照前行。如糧船商船齊到。牘糧船先過。商船繼過。如糧船未到。商船先到。牘官勿得指稱糧船將到。强行攔阻。仍著放過。違者從重治罪。其一應往來官船。立有欽差牌匾。著永行禁止。如此等官船。借名緊急。擅行啟閉。於糧船之前爭先者。著該督撫指名題叅。欽此。○又議準。凡內外顯要職官。多置號船。縱容家人。於漕運河道往來貿易。或奉差赴任各官。額外私帶貨船。並姦徒假

借名色。恃強闖牘者。河道各官。指名呈報。河漕總督。題叅究處。河道各官。徇情不報。亦即題叅。如已呈報。而總督徇情不舉者。事發。一并治罪。
○七年議準。

畿輔隄岸。關係緊要。禁止附近莊佃私開渠口。○八年議準。直隸渾河隄工。禁止車行。如有損壞。各歸該管官。○十一年題準。運官停泊漕船。不聽督催。凌辱牘官。責打牘夫。攫去牘板。致洩水誤漕者。革職究擬。○二十一年議準。運河淺澁。漕船艱於程限。各處兵船。務隨漕啟閉停泊。如

有扭鎖掀板。恣意爭先者。該督指名題叅。將領兵將弁。嚴加議處。○二十九年議準。漕河開隄。遲。則稽重運。煞隄早。則阻回空。嗣後每年定於十一月十五日煞隄。正月二十六日開隄。○三十年覆準。河南河內縣丹河。發源太行山。至丹河口。分渠九道。內惟小丹河。上秦河二渠。通衛濟漕。嗣後如雨足之年。於三月初。用石絡裝石。橫塞河渠。使水歸小丹河。入衛濟漕。仍留涓滴灌田。至五月秒重運已過。則開放河渠。塞小丹河口。以防山水漫溢。倘遇亢旱之年。自三月朔

至五月望。令三日放水濟運。一日塞口灌田。過此以後。仍從民便。至輝縣東刀泉。為衛水之源。民間設五牖以蓄水灌田。向例於五月初一日封板放水濟運。但五月正農功需水之時。應量渠之高下。用竹絡裝石堵塞。使各渠之水常盈。則正流足以濟運。餘潤可以灌田。其安陽縣之萬金隄。亦令仿束刀泉五牖之法。用竹絡裝石相時塞牖通渠。務使民漕兩無妨礙。○三十五年

諭。山東漕船不得過牖。以致遲延。著差官帶戶部印封

前去。封固牖板。須俟水滿開牖。以便漕船行走。如水不滿。雖奉旨事務。亦不許開牖。果有緊急。陸路亦可。以行。凡內廷需用之物。悉停解送。欽此。○又

諭。自通州以至大通橋。民船不行。皆有禁令。今若令小船行走。於民似有裨益。著戶工二部。會同倉場侍郎。僉議具奏。欽此。遵

旨。議準。嗣後通州至大通橋。應令民船貿易行走。若遇糧運緊急之時。暫行禁止。○又奉

旨。打魚小船。亦著行走。○三十九年覆準。裏河淤墊。俟糧船過盡。即煞壩疏濬。一切差使。暫由陸路。○

四十四年覆準。南旺湖涸出灘地。不許違例耕種。令地方官出示嚴禁。○又定。嗣後有故決。盜決。南旺。昭陽。蜀山。安山。積水等湖。揚州高寶湖。淮安高家堰。柳浦灣。及徐邳上下濱河一帶。各隄岸。并阻絕山東泰安等處泉源。有干漕河禁例者。不論軍民。概發邊衛充軍。其牘官人等。用草卷閣牘板。盜洩水利。串通取利。犯該徒罪以上。亦照前問遣。○又遵

旨議定。漕河各牘。務依漕規啟閉。官員經過。不許徇情擅自開放洩水。致稽重運。違者不宥。○四十五

年。遣官往運河閱視封牘。

特諭。今年水淺。自臨清至天妃牘七八百里。一時盡封。則不利於商人矣。當從上流封牘蓄水。俟水滿後再開一牘。糧船過時。他船不許濫放。欽此。○五十三年覆準。糧船過牘。務遵漕規啟閉。按幫放行。則水勢充足。不至遲誤。至於水漲牘溜。撞沉搶修。乃意外間有之事。均準於單內注明。務於八月內全數卸完回空。如逾定限。倉場侍郎題參。○五十四年

諭。大濬動工之日。一應往來船。概行禁止。滿洲兵船回

空糧船。有恃強開壩者。著拏解究處。欽此。○雍正元

年

諭。每年漕船遲滯。皆由運河阻淺。運河之水。全賴山東諸湖蓄水以資灌注。近歲漸就淤積。居民或占成田地。以致水少不能濟運。今宜乘夏秋雨水之時。預為蓄水之計。凡沿河田地已經成田者。不必追究。其未經耕種者。速宜嚴禁。不可侵占。至諸湖隄防。須修築堅固。引河牐壩。務啟閉得宜。則湖水深廣。運河流通不竭。漕艘自無阻滯之虞。欽此。○二年

諭。運河之設。未嘗禁商船之往來。但水少時。則加意管束。水大時。聽商船行走。京師百貨。取給於東南之商賈。今若嚴禁。則各種載船。必一概阻滯。商賈安能流通。於民生日用。均屬未便。欽此。遵

旨覆準。令總河總漕直隸山東河南各督撫。檄飭沿河

地方官弁。遇有商賈客船。許於漕船先後。乘隙

而行。毋許漕船攔阻。亦毋許商船擁擠。○又議

準。運河一帶。用強包攬牐夫溜夫二名以上。撈

淺舖夫三名以上者。發附近充軍。攬當一名。並

未用強生事者。枷一月。杖一百。發落。○又議準。

小丹河洹河各牐。令該撫嚴飭河官。不時疏濬。

仍遵舊制。三日放水濟運。一日塞口灌田。於糧船趨行回空之期。該河官親至水口。秉公啟閉。將水勢情形。設立循環號簿。五日一次報明。該管印官。仍嚴禁偷放。如河官通同賣水。以致漕船阻滯者。指名題參。嚴加治罪。○五年議準。河工關係重大。嗣後有指稱夫頭。包攬代雇。希圖抑勒良民者。照運河一帶用強包攬。夫溜夫之例治罪。二名以上者。發附近充軍。一名者。枷一月。杖一百發落。○十一年議準。黃運河工隄項民房。無論舊蓋新修。概令遷移。○乾隆元年

題準。山東運河。自江南邳州交界。北至德州桑園鎮。綿長千二百餘里。水無來源。全賴各廂層層關束。務令啟閉以時。蓄洩得宜。庶於漕政有裨。○二年

諭。江南黃運兩河隄工。向有民人蓋房居住者。經河臣等議令拆毀遷移。以防作踐。旋以小民安土重遷。止令移去險要工所之房屋。其餘仍舊存留。此國家體卹貧民之恩澤也。各隄民房。皆無額徵租稅。惟高郵寶應江都甘泉山陽五州縣。每年有應徵租銀三百八十餘兩。其間拖欠不完者。往往有

之。若留此輸公之項。雖為數無幾。而追呼不免。恐有胥吏借端苛索之弊。著將此項租銀永行停止。並將歷年拖欠。悉予豁除。惟是隄工乃河渠之保障。理宜加意慎重。以固河防。除見在已成房屋無礙隄工者。免其遷移外。將來不許增蓋。如有違禁增蓋者。即驅逐治罪。並將徇縱容隱之官弁。分別議處。欽此。○又

諭。今年五月山東雨少。運河水淺。糧艘不能啣尾而進。沿途堰淺起撥。甚費經營。而臨清以北。更多阻滯。朕細加訪察。臨清以北。全賴衛水合汶濟運。而

衛水發源於河南衛輝府。至臨清五百餘里。居民往往私洩灌溉。經前任河臣題定。每歲於五月初一日。盡堵渠口。使衛水全歸運河。今日久法弛。衛水來源。小民不無偷放。遂致運河水勢長落不時。重運艱於北上。目前正當緊要之時。所當稽察嚴禁者。著直隸河南督撫。速行辦理。務使衛水不致旁洩。糧運進行無阻。欽此。○又奏準。運河舊例。於十一月十五日。煞壩。今改於十一月初一日。開壩日期。舊例於正月二十六日。今不必拘定。總以南漕幫船至臺莊。牘為準。○又覆準。山東運

河。自嶧縣臺莊起。至臨清州南板牐。計四十八
牐。牐河水無來源。應照南旺挑湖之例。遇重運
盛行。官民等船。均隨漕開放。不許逼勒開牐。並
頒發告示。刊立木榜。令各牐永遠遵行。○又奏
準。運河各牐。收束水勢。全在啟閉得宜。會牌未
到。催漕各官。不得逼令啟板。會牌已到。司牐官
亦不得故意遲延。如有違誤。該督題叅治罪。○
四年奏準。江南河工。天然南北二壩。收束諸湖
之水。為洪澤湖之關鍵。責令管河道官封固。永
不許開。

